



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De Hymno Te Deum. XIX.

urn:nbn:de:hbz:466:1-40244

100 Comm in Rubr. Breuiarij. Sect.V. Cap.XVIII.

sæ , qui Vigiliam habet in Breuiario? An in Laudibus cum alijs Suffragijs facienda erit de more commemoratione Patroni , seu Titularis ? omittendam puto in hoc casu, sumpto argumento à simili allato supra n. 3. de Officio sanctæ Mariæ , quod excludit communem hanc commemorationem de eadem; ne scilicet de eodem bis fiat in eadem parte Officij. Eadem ratio militat in Semiduplici Festo Inventionis , Translationis , & similium, illius , qui Patronus est loci , seu Titularis Ecclesie.

15 Cedunt hæ communes commemorationes commemorationi Festi Simplicis eo die occurrentis ; quia Festi commemoratio priuilegiata est titulo festivo supra communem aliorum cōmemorationem: ideoque communes dictæ fuerunt , ut cedant priori locum festiuis.

16 Fiunt igitur ad recolenda Sanctorum merita , & ad impetrandum sœpius eorum patrocinium , Duran. lib. 6. cap. 60.

17 Omittuntur autem initio Adventus , ex Microlo. loco cit. ut in Adventu Principis cedant serui , Duran. lib. 6. cap. 2. item tempore Passionis , ut vni Christo crucifixo vacemus , idem lib. 6. cap. 60. & usque ad Octauam Pentecostes , ibidem . tum in Duplicibus , & infra Octauas , ea ratione , qua in Festis maioribus excludimus Sanctorum Simplicium commemorationes , ad maiorem tum temporis Paschalis tum Festorum celebritatem. Item in Dominicis priuilegiatis , in quibus de die Octaua occurrente fit tantum commemoratio , ex Ruiz in suo Ceremonial. Rom. ratione Octauæ.

18 Pius V. mutauit Antiphonam pro suffragio beatæ Virginis in ple-

niorem , quæ est sancti Augustini Sermonem 18. de Sanctis , nimirum , *Sanctæ Maria* , *succurre misèris* , &c.

De Hymno Te Deum.

C A P. X I X.

1 **H** Ymnus *Te Deum* à SS. Ambrosio & Augustino compo- situs fuisse dicitur , quando S. Augustinus baptizatus fuit , anno 388. vt scribit S. Dacius Episc. Mediolanen. lib. 1. cap. 10. *Chronici* , quod tamen Chronicum non est Dacianum , si eruditioribus est credendum Mediolanensibus ; qui etiam melius censem , totum Hymnum vni Ambroso deberi , cum ille Dialogismo careat. In Breuiario M. S. Collegij Aniciani de Urbe antiquissimo legi pro titulo , *Hymnus S. Abundij* : de quo peritos consuli , qui tamen adhuc ignorant , quis ille possit esse. Gelasius autem decantari decreuit , ex Benzon. in *Magnif. lib. 1. cap. 19.* & S. Benedictus in *Regula cantari iussit post tertium Nocturnum* , quo significanter tempus gratiae , quasi Christum hoc tempore inuenierimus , exclamamus , *Te Deum laudamus* ; ut meditatur Hugo lib. 1. de *Offic. cap. 9.*

2 Dicebatur Romæ in Festis Pontificum tantum tempore Amalarij , ut ipse scribit in *Prologo de Ordine Antiph. in Dominicis & Festis nouem Lectionum* , ait Micrologus cap. 46.

3 Non in profestis dicendum est , ait Innoc. III. de Celeb. Miss. cap. Consilium . quod explicat Radulph. Prof. 13. etiam de Festis Simplicibus & Propositione 16. probat , quod non deberet dici , neque etiam tempore Paschali , neque infra Octauas. Ex quo infero , tunc temporis *Ciam in his diebus*

De Hymno *Te Deum*, & Symbolo S. Athanasij, 101

diebus fuisse usurpatum in Officio, contra sententiam Radulphi non bene sentientis de hoc ritu.

4 A Septuagesima ad Pascha non dicitur, Microl. cap. 47. neque in Adventu, idem cap. 30. cum Gemma lib. 3. cap. 1.

5 An verò sit finis Matutini, vel initium Laudum, disputauimus supra Sect. 4. cap. 2. num. 3. pag. 52.

6 Plenus est lætitiae, & ideo in praedictis cantatur, aut omittitur; quo dicto, inquit Rubrica de hoc Hymno num. 4. statim inchoantur Laudes. Nostra enim consuetudo humanæ infirmitati parcens & labori, Officio nocturno Laudes Matutinas continuat, & Oratione una duo concludit Officia, Hugo Victor. lib. 2. cap. 9. excepta nocte Natalis Domini, ut ibi dicemus.

7 Festum Innocentum non admittit hunc Hymnum, nisi in die Octaua, cuius causam dabimus in Sectione sequente cap. 6. num. 3.

8 Verlus, Sanctus, Sanctus, &c. videtur esse unus, & ab una parte Choros dicendus: sed quia primæ litteræ S. imprimuntur colore rubro, videtur alternatim ea verba cantanda; & ideo standū erit cōsuetudini locorum.

De Symbolo S. Athanasij.

C A P. XX.

Symbolum quid significet, diximus supra c. 3. pag. 64. S. Athanasius, dum esset Romæ, scripsit Latinè Symbolum, de quo hic loquimur, & recitat coram Pontifice, & ei assidentibus, anno 340. ut scribit Baronius: & est illud idem, non mutatum, legique solitum in Ecclesia ante annos nongentos sexaginta. Vide Annales ad annum prædictum.

1 De vsu eisdem Symboli ad Pri-

mam, Hugo meminit lib. 2. de Offic. cap. 1. his verbis: His addidit fidelium deuotio, *Quicumque vult salvus esse;* vt articulorum fidei, qui sunt necessarij ad salutem, nulla dici hora obliuiscamur. Idem in Spec. cap. 3. ait: His adiungimus expositionem Catholicæ fidei, ex eo, quod haec est victoria, quæ vincit mundum, fides nostra, & clypeus inexpugnabilis contra antiquum hostem. Vide quæ diximus supra Sectio. 4. num. 6. pag. 55.

3 Non dicitur in Dominicis infra Octauam Nativitatis Domini, Epiphania, Ascensionis, & Corporis Christi, nec in Dominicis Paschatis, & Pentecostes; quia harum Officia non sunt propriè Dominicalia; neque in alijs Dominicis eadem de causa dicitur, in quibus fit de Festo Duplici. Gemma lib. 3. cap. 128. notat, ideo non dici in Paschate, quia in futura vita, quæ in Paschate denotatur, totum habetur quod nunc creditur: quare simili ratione, ac si mysteria ipsa in Natali Domini, Epiphania, Ascensione, Festo Corporis Christi, & Pentecoste, oculis cernamus, abstinemus à Symbolo S. Athanasij.

4 In Dominica, seu Festo sanctissimæ Trinitatis dicitur, quia Symbolum de Trinitate doctrinam continet; non tamen quotidiane dicendum est ubi celebratur Octaua sanctissimæ Trinitatis, quia Dominicæ assignatum videatur: quare & in die Octaua dicendum erit, quod alias non diceretur. Dies enim Octaua equè ac prima non eamdem classem, sed eundem ritum habet. In fine illius additur *Gloria Patri, &c.* vt sit in Psalmis: tum quia more Psalmorum cantatur; tum quia declaratio mysterio Trinitatis, æquum est, vt eidem gloria detur.

N 3

De